

校正驗方新編



民國三年仲夏

正校
驗方新編

R932.93
1-2

驗方新編

凡例

一原編卷帙頗多艱於攜帶茲特刪繁就簡揀成善本又用楷書石印以便舟車庶取携較為妥當

一近來沿海皆種牛痘百無一失故特詳其說於篇末

一原編所載種痘舊法不能萬全概從刪節

一咽喉要症急宜善治原編所載未盡純粹故另增入竇氏各神驗方二十七條

一是編方多奇驗往往有尋常之藥而奏效甚神者尤望樂善君子按方製藥廣為流傳幸無以淺近而忽之

驗方新編總目

卷一

頭部 面部 眉部 目部 耳部 鼻部 唇部 口部 舌部 齒部 鬚部 下頰 頸項

咽喉

卷二

肩部 手部 腋部 乳部 胸部 肋部

卷三

心部 肺部 各種氣痛 咳嗽 勞傷吐血 哮喘

卷四

脾胃 痰疾 三消 飲食積滯 噎隔反胃 嘔吐 呃逆

卷五

肚腹 痞積 蟲疾 蠱脹 脇部 背部 腰部

卷六

前陰 小便 淋症 遺精

卷七

後陰 大便 泄瀉 痢疾 脫肛 痔瘡

卷八

兩股 海底 腿部 足部

卷九婦科

調經崩帶附 種子 胎前 產後 雜治

卷十兒科

雜治 驚風 痘症 痲症

卷十一

癰毒 癰毒諸症 癰毒雜治 癰毒諸方 陰疽 陰疽諸方 內科備用諸方

卷十二

急救 凡吊頸割喉腹破腸出溺水凍死雷擊疫厥氣閉一切急症皆在其內

卷十三

人畜蛇蟲咬傷 湯火傷 跌打損傷 刑杖傷 銅鐵竹木雜物入肉

卷十四

中風 筋骨 皮膚病附 傷寒 感冒風寒

卷十五

中暑 痧症 霍亂 瘧疾 黃疸 瘟疫 蠱毒 瘡瘍

卷十六

諸血 諸汗 遍身搔癢 邪怪 奇病 藥物備要 雜治

卷十七

咽喉秘集

卷十八

痧症全方

重訂驗方新編卷一

頭部 ○偏正頭風

此症發時雖感暑亦覺畏風痛不可忍用蕎麥粉炒熱加醋再炒乘熱敷上用布包緊勿令見

風冷則隨換日夜不斷有人患頭風十年不愈照此治之其病若失愈後鼻流黃水數日從此斷根屢試神驗此治

頭風第一方也並治尋常傷風頭痛惟氣虛及風火虫痛不效 又方生大烏頭去皮四兩南星泡二兩共煮末每

服二錢用薄荷七片鹽梅一個煎水臨睡調服雖二十年頭風亦效或用生南星生烏頭等分為末蔥汁調貼太陽

穴亦可 又方硫黃一錢川椒取紅色者去子為末三分二味和勻鑊成小餅左疼塞左鼻清涕從右鼻出右疼塞

右鼻正疼左右俱塞清涕流盡即愈神驗 又方白芷二兩五錢真川芎甘草川烏頭半生半熟明天麻各一兩共

為末每服一錢食後服細茶薄荷湯下百藥不效者一服即愈效驗甚速 ○雷頭風痛 頭痛而起核塊或頭中

如雷鳴者是也用川芎白芷防風羌活天麻甘菊薄荷甘草等味治之如不見效用天麻升麻各一錢新荷葉一大

張煎服或不省人事用地膚子同生羌搗爛熱酒沖服取汗即愈 ○熱痰頭痛 瓜蔓一個牛子四兩焙共為末

每用三錢食後酒沖服忌食動風發熱之物 ○氣虛頭痛 春茶葉末水調成膏攤碗內覆轉用巴豆四十粒作

兩次燒烟熏之曝乾研細每服二分滾水沖下食後服 又方照前烏頭南星方最效 ○厥陰風火上衝頭痛

肝脈弦者是用消瘴救睛散見目部治之神效肝脈不弦者不效 ○頭風目痛 製香附二兩藿香甘草各二錢共

為末每服二錢滾鹽湯下 ○終年頭似痛而非痛此腎水不足而邪沖上作痛用熟地五竹各一兩山茱肉四錢

真山藥元參川芎當歸各三錢五味麥冬各二錢水煎服服後頭痛更甚至重二劑斷根屢試如神藥味不可如減

稍有加減則不效有人患此數年百藥不愈二劑而安永不復發真奇方也 ○腦後作痛 此風入腎經所致用

熟地五錢真山藥炒雲苓當歸各三錢炒芍二錢川芎陳皮炙草各一錢天麻錢半麻黃三分水煎服 ○頭腦鳴

響狀如虫蛀名天白蟻以春茶子為末別樣茶子亦可惟打油之茶子則不用吹入鼻中取效如不見效即照頭風

各方治之 又方土茯苓煮猪肉食之神效前後忌茶十日 ○頭腦暈眩 暈眩雖然小症然大病皆起于暈眩眼

目一時昏花卒致猝倒而不可救者也宜早治之用台黨半夏各三錢白朮當歸白芍熟地各一兩川芎茱肉各五

錢天麻一錢陳皮五分水煎服數劑見效此方名防眩湯專治氣血之虛不治頭之暈蓋氣血足則陰陽和陰陽和

則邪火散自不致於暈眩多服數劑受益無窮不可因一二劑不能收功便棄而不用也

又方白菓二個去壳生

搗爛沖滾水空心服至重五服即安老年更效 ○婦人血風頭暈欲死倒地不知人事 生蒼耳草嫩心陰乾為

末每用一錢酒調服神驗此物能通頂門故易奏效也 ○搖頭下血 此肝風甚也用防風三兩天花粉黃耆蜜

炙羌活白芍各五錢犀角銼碎甘草各二錢半蛇脫炙赤鈎藤麻黃各一錢共研末棗肉為丸梧子大薄荷湯下五

七十九 ○腦漏 從腦頂上一股酸氣由鼻孔流出黃水臭不可聞治法見鼻部鼻淵門 ○腎氣上攻頭項不

能轉動 大熟附子二錢川椒二十粒用麝塞滿椒口內生姜七片水煎加鹽少許服 頭面發熱有光彩他人手

近之如火燒葱汁五錢酒調服吐出如虫即安 ○頭面腫大 此名大頭瘟自頸至頂腫成一桶咽喉閉塞治法

見卷十五瘟疫門 ○頭上生瘡如葡萄痛甚參看卷一葡萄瘡方 此名髮毛毒瘡用黃柏一兩乳香二錢半共

為末槐花煎濃汁調作餅貼瘡口並用吳茱研末醋調敷兩足心即愈 ○頭頂結核如粟登癰者 此命門火虧

也用寡蛋水酒煮老每食一二個酒送下服之數十個自愈 又方七製固脂丸見內外備用諸方每服三錢服至

半月必愈或照下頭頂白色腫塊治之必愈 ○頭頂生白色腫塊 小兒頭髮內生白色腫塊名瘡癩頭多有誤認

跌腫慢不加意及至高大作痛方延醫治庸醫以頭為首陽誤用寒涼解毒是以潰爛者內膿復瘡增出者不一殊

未知此患色白其膿不紅乃陰寒虛弱之症用小金丹初起三服而消已潰爛者服七丸而愈外貼陽和解凝膏大

人患之名曰髮疽服陽和湯自愈小金丹和各方均見陰疽門 又方如愈而復發者用綠雲膏見癰毒諸方門貼

之最效 ○頭頂生瘡或紅或白甚至紫黑色其人喉有痰涎或能言或不能言 此名劈腦疳瘡用木鼈子焙粘存

性三分加頂上梅花冰片三四釐共為末吹入喉內即吐出而瘡亦愈喉內無痰色不紅紫或先白後紅者仍照前

小金丹各方治之 ○髮中生癰如珠相染不已 此名火珠遲則難治急用生蘿蔔搗爛好醋泡透敷此林屋山人

經驗方也 又方內服地丁飲見疔瘡門一二劑外用菊花葉搗融調蜜敷或用燕泥散見癰毒通治門數均效

小兒頭面胎毒 浮水石煨存性研為末放碗內童便調勻用艾絨燒烟薰透以裏面均帶黃色為止俟冷用麻油

調敷雖十年不愈者敷三五日必愈並一切瘡毒年久不愈者皆可治 又方白龍散水牛屎曬乾燒枯存性燒太

一年不生

又方洞天鮮草膏見癰毒諸方貼一日全消潰者貼之亦愈用連翹花粉赤芍銀花甘草車前滑石澤瀉各一錢煎溫服即無熱毒之患男婦大小暑天宜服此林屋山人秘方也 又方大黃遠志等分為末猪胆汁調

搽極效 又方黃柏真川連黃芩各等分研末醋調敷效 又方菊花葉搗汁調白蜜敷之用渣敷四圍留頭不敷

俟毒水流盡即消 ○頭上軟癰 軟癰愈而復發最難除根用枳壳一個鮮者更佳又名臭橘子無鮮者用乾枳

壳蒸融攤冷用剗去瓢以麪糊塗抹枳壳四圍合蓋癰上旁安一燈心以通膿水數日自愈愈後並無疤痕 又方

生半夏生山藥各分研末用葱頭搗敷此治初起甚效 又方猪頭上毛貓頭上毛各一撮燒灰雄鼠糞一粒兩頭

尖者是共研末香油調敷雖數年不愈亦效 ○頭上生瘡乾而無膿 抱過雞蛋壳名鳳皇巢燒灰存性研極細

麻油調搽○千層瘡 此瘡生在頭面好而復發生生不已故名千層瘡侯破口時用新鮮橄欖核無鮮者用鹽橄欖

核以水煮去鹽味亦可燒灰和雞蛋白見癰毒諸方以鴨毛調敷○禿頭瘡又名臘梨頭 香黃散松香二兩為

末入葱管內用線紮定水煮融化去葱研末黃丹一兩水飛無名異一錢炒宮粉一錢炒輕粉三分炒共為細末香

油調搽並治頭面黃水瘡俱極神效 又方牛牙散見癰毒諸方敷之生肌斷根神效之至 又方白油膏見腿部

瘰癧貼之雖多年不愈者亦效 又方先用刀將瘡剝破以熟膏麵將頭面上四圍高高敷之取一雄雞宰殺以熱

血灌入頭頂數日生肌而愈 落頭疽俗名砍頭瘡 此疽生在腦後由小而大係屬陰症斷不可服寒涼等藥倘

醫不得法即腐爛落頭而死大半係冤孽所侵即照卷十一陰疽各方治之並查看陰疽報見陰疽卷末為要

○頭角太陽生瘡當日頭重如山二日即變青紫三日青至心胸而死此症有因好服春方藥而生者有因食煎炒厚

味而生者初起用金銀花二斤煎湯飲數十碗方可少解其毒然必潰爛再用金銀花元參各三兩當歸二兩甘草

一兩水煎日服一劑七日始可收口又手指指頭生瘡亦多不救亦可以此法治之○太陽出血 有人兩太陽陡

起紅瘡用手抓破出血如線不止用瘦猪肉一厚片貼之即止或用穿山甲尾上者佳炒研細末敷亦止內服元來

地黃湯見內外備用諸方即愈 ○髮癰多生耳後髮下寸許按之痛用針刺破擠盡紛髮用生肌藥敷之自愈

○髮落重生 黑芝麻梗柳樹枝各等分熬水洗頭髮易生而且潤婦人以此二味泡油搽頭更妙小兒髮稀洗之

亦生 又方旱蓮草又名黑頭墨斗黑東搗敷易生而多○烏鬚黑髮 丹見內外備用諸方服之鬚髮可以轉黑

神效無比 頭腦內癢 漸至髮落盧會苦練子各一錢為末吹入鼻內數次自愈○頭生白屑 瘡極難忍藜蘆末煎湯洗頭半乾時再用藜蘆末搽上令入皮內用布紮緊數日即愈 又方王不留行白芷各三錢研末乾搽一夜梳去即愈 ○治癩子神方 俗名鬚髻治好後能長頭髮郁澄齋先生試驗傳出先用米浸泔水加明礬花椒蔥頭煎湯薰洗又用黃牛門牙數枚醋泡炭火煨煉七次成炭研細末加熟礬少許亦研末用柏油調搽幾次即愈十數年來不發治脚痔亦用此方其效 ○治腦漏神方 一名鼻淵白鵝鵠毛三錢擦生漆絲棉一塊如無絲棉即指漆布亦可二種係閩漆匠舖買將二味放於瓦上焙炮存性共研細末入冰片少許令病人仰卧用筆管吹入不過三四次即愈此余患此症覓得之仙方也用之除根病愈已三十年矣

面部 ○面上生瘡急尋有壳蝸牛一二条查藥物備要便知搗融攤紙上貼之即愈紙上留一小孔出氣初起用之神效 又方鹿角燒研猪胆調搽亦效○面上似疥非疥似癬非癬 若不急治延及遍身不救照上蝸牛方治之或晚上鹿角猪胆方更效 又方鵝鵠鵠子糞胡桃壳即核桃熬湯以絹帕蘸湯熱擦即愈忌羊鵝魚蝦等物一月 面上粉刺 又名酒刺由肺經血熱而生發於面鼻碎黍如粟色赤腫痛破出粉汁用大黃硫黃等分研末以

凉水調敷內服清肺熱藥自愈 又方輕粉黃芩白芷白附子防風各一錢為末蜜丸每日洗面時多擦數次臨睡時又重洗面而搽之三日消痕滅跡或用下崔斑附子蛤粉方亦效 又方紫參丹參黨參苦參沙參各一兩為末胡桃肉又名核桃搗融為丸梧子大每服三十九茶送下○面上雀斑 其色或黃或黑碎點無數由火鬱血分風邪外搏而成用時珍玉容散豬牙皂角紫背浮萍青梅櫻桃各一兩鷹尿白三錢或鵝鵠糞白亦可共研細末早晚用少許在手心內水調濃搽面上良久以溫水洗面至七八日後其斑皆去神效或用好玉時時擦之久則自退 又方附子蛤粉茯苓白芷陀僧山奈各五錢共為末蜜調搽面上次日洗去甚效並治酒刺 抓破面皮 橄欖核

磨水擦之即愈並無痕跡或用白糖搽之亦妙 又方生薑自然汁調輕粉末搽之亦無痕跡 玉容粉 治雀斑酒刺肺風酒糟鼻面上一切斑點萊豆一升荷花瓣二兩曬乾滑石白芷白附子各五錢上冰片蜜陀僧各二錢共為細末早晚洗面搽之 ○面上黑氣 半夏焙研米醋調敷不見風自晨至晚不計次數三日後用皂角湯洗下

次日即愈若病後兩腮發腫不作酸痛者名發頤用天麻白芷防風荆芥各一錢送服醒消丸三錢而愈此林屋山人方也洞天醒消各方均見癰毒諸方○腮頰穿爛 腮邊穿一小眼時發時愈名曰漏腮內服荆防敗毒散見內外備用諸方外用夜合花樹皮煎水洗並用夜合樹皮搗融敷再用夜合花根煎濃湯時含口內有人患此十年不愈服此方治之收口斷根○兩腮赤腫 俗名撐耳風又名疔腮用燈火燈心一根點油燒之在大指二指之下手背微窩處燒一下左腮燒右手右腮燒左手半日即消神效或燒少商穴查鼻部鼻血第一方便知更妙 又方皂角二兩生南星二錢糯米一合共為末薑汁調敷立效

眉部○眉上生瘡 肥皂燒存性枯礬要燒透各等分為末麻油調塗先用白礬泡水洗淨 又方分別色之紅白

照癰毒陰疽各方治之○眉爛毛落 此肝經受風所致用側柏葉去梗九蒸九晒磨末蜜丸梧子大每早晚服

一錢開水送下以愈為度外用兔絲子研末麻油調搽或茅屋舊草燒灰麻油調搽亦可○眉毛不生 黑芝麻

花陰乾為末以黑芝麻油泡之日搽數次自生 又方生旱蓮草又名黑頭墨斗墨東搗數數日即生○眉毛搖

動晝夜不睡喚之不應但能飲食 大蒜二兩搗汁兌酒飲自愈

目部○雙目不明 後有增補醫目神方凡雙目不見青光瞎眼腫人反背皆治黑豆一百粒菊花五朵皮硝六錢

水一鐘煎七分帶熟薑洗五日換藥再洗一年後可以復明平日忌茶並戒惱怒 又方雞胆一個入蜜半匙以線

紮住再入猪胆內吊房檐下通風不見日處二十一日去猪胆留雞胆先以人乳點患處潤之少刻用骨簪蘸雞胆

點上遍身透涼流淚出汗二三次即明忌茶百日可將霜降後桑葉煎湯代茶飲並戒惱怒○青光瞎眼人望如

好眼自覺不見者是白羊子肝一副竹刀切片黃連一兩研末熟地黃二兩同搗為丸梧子大食遠茶服七十九日

二三服程承元病內障喪明有人以此方報德服之遂明○又方兔絲子補骨脂巴戟川牛膝枸杞肉蓯蓉各一兩

共為末加青鹽二錢用猪腰子一個切開半邊去筋膜入前藥末一錢將線紮緊用陳酒醃溫燒熟食之初起最效

兩目忽然不見 取地上三尺下黃土攪水澄清洗之此葛仙肘後方也○腫人反背 若眼珠已有白點便

不驗蜜蒙花蟬蛻白菊郁李仁石羔生草決明石決明甘草合精草白礬各四錢百部二錢珍珠四分另為末以上

共為末分量不可加減和猪瘦肉二兩搗爛煮服即時發冷者其光必轉若光未盡轉再服一劑必愈愈後宜服鎮

心丸

卷一 面部 眉部 目部

精丹一二劑 ○鎮精丹 石羔蟬蛻枝子槐花白菊花各一錢生地蒙花各二錢草決明錢半甘草五分煎服

○小兒腫人不正 小兒因跌打損傷頭腦受驚以致腫人不正觀東則見西觀西則見東用石楠葉一兩甜瓜蒂七

個梨蘆三分共研細末吹少許入鼻孔通頂為度日吹三次並請名醫內服牛黃定驚平肝等藥自愈石楠有雌雄

兩種若得雌石楠葉更佳 ○兩目夜不見物 俗名雞蒙眼此肝虛也黃蠟不拘多少鎔汁取出入蛤粉相和得

宜每用二錢以豬肝羊肝更妙二兩批開搽藥在內麻繩紮定水一碗同入銅器內煮熟取出乘熱薰眼候溫連肝

食之日服兩次以愈為度其效如神 ○風火眼痛 凡兩目腫脹赤甚痛甚作癢多泪畏日畏風容易惹人鼻塞

腦酸諸病皆是後列各方治之必愈但洗眼時務在帳內方可避風即帳內脫衣揭被亦有風動俱宜留意若不謹

避則不效也 ○吹鼻散 驚不食草五錢曬乾查藥物備要便知真青黛川芎各一兩共為細末將藥少許嚙入

鼻中或新白布泡水蘸藥入鼻中亦可口含溫水以淚出為度數次必愈兼散目中星翳 又方黃丹和白蜜調敷

太陽穴立效 ○又方輕白蘆甘石以能浮者為佳用重便泡一日夜越久越好炭火內燒紅再泡一日再燒一次又

用川黃連水泡一日夜越久越好炭火內燒紅再泡一日再燒一次用一錢淨礪砂五分大硃砂四分珍珠三分煨

牙色梅花冰片製乳香香藥物備要便知薄荷末各二分共為極細末研至無聲放舌上無渣方可用用清水以骨

簪蘸藥少許點眼治風火腫爛一切神效 ○又方芝麻威靈仙何首烏苦參甘草石菖蒲各三錢共為細末每服三

錢黃酒下此係武當山石刻仙方神效無比兼治痘風目疾 又方苦參錢半五倍子一錢明礬薄荷荊芥穗各三

分煎水臨睡時用細絹輕輕避風洗之神效之至 又方川黃連防風白菊花歸尾各一錢甘草銅綠各五分胆礬

三分杏仁七個去皮尖打碎泡水蒸熱照前法洗之甚效 ○肝熱目痛 龍胆草一味用瓦器熬成膏點入眼內

瞽目俱能點去雲翳不可以平淡而忽之也 又方夏枯草二兩炒香附二兩醋炒生甘草四錢炒共為末每服錢

半清茶調下數日即愈屢試如神夜間痛甚者更效此觀音夢授方也 ○腎虛目痛 用甘州枸杞上好新紅者

一斤用好酒浸一夜分作四起一起以川椒二兩拌微炒一起以小茴香拌炒一起以黑芝麻拌炒以上三起去拌

者不用一起以淨青鹽二兩研末拌炒鹽藥即入外加當歸頭生地白菊花白朮白茯苓各四兩共為末加四神丸

每於午飯後開水服三四錢久則目如童子屢試如神百無一失 ○目昏多淚 生地熟地川椒去子閉口者不

用各等分為末蜜丸梧子大每服五十九鹽米湯空心下兩月後目如童子此呂仙方也 ○通治目疾諸方

珊瑚紫金膏

白蘆目石一兩以能浮水者為佳用意便浸七日用炭火銷銀砂鍋內煨紅再入童便內浸十日晒

乾研細末黃丹一兩滾水飛過三次晒乾研細末乳香沒藥各二錢俱入砂鍋內加燈心四分微火炒出烟去燈心

研細末海螵蛸二錢刮去皮甲微火炙過研細末真白礬砂二錢青鹽麝香各五分頂上牙色梅花冰片三分以上

均研成細末合一處乳鉢研極細然後入麝香冰片二味和勻再研極細放舌上無渣方合用用蜂窠熬成珠先用

絹袋濾淨蜜渣夏老冬嫩春秋酌看老嫩之間將藥末調入蜜內用磁罐封固以蜡封口不可洩氣此方治七十二

種眼疾屢用如神雖十年不愈者亦效惟瞳人反背而驚散者不效 ○天賜膏 點眼目障翳兗州朱秀才忽不

見物朝夕祈禱夢仙人張三丰傳授此方好談硝一兩銅器鎔化入飛黃丹二分頂上梅花冰片二分銅箸攪勻入

磁瓶收之以蜡封口勿令洩氣每點少許其效如神 又方治目疾紅痛日久不愈慈仁選淨白者去殼研細去淨

油不淨不效調白蜜用骨簪點眼角內即能退紅止痛效驗之至 又方治目赤腫痛數日不能開者生薑一塊洗

淨去皮用古銅刮汁點之初點頗痛點後即愈 又方治目赤腫痛用自己小便乘熱以細帕輕輕蘸洗即閉目少

頃此以真氣而退肝熱之法也小便頭尾不用 又方老能夜書每年九月二十三日用桑葉煎水洗目一次至老

永不昏暗且能夜細書其妙無窮桑葉須五月五日六月六日立冬日採者為佳同黑芝蔴等分蜜丸名為扶桑丸

能去風濕烏翳明目 ○兩目晝夜不開 一婦因受驚嚇兩目晝夜不合用郁李三錢酒煮飲之盡醉即愈神效

非常 ○小兒疳積瞎眼生翳 草決明四兩晒乾勿見火研末生雞肝不落水者將雞肝搗爛和決明末三錢研

勻加酒飯上蒸服 若腹脹如鼓加薤白末一錢自翳腫大加雞內金更妙 又方火硝一兩硃砂三錢共為末每

用四分不落水生雞肝一個剖開入藥紫定酒蒸熟空心服輕者一料重者二三料翳膜推去半邊而愈 ○珠目

蟹眼 蛇蛻全者一條馬尾勃一兩皂角子十四枚虫蛻者切不可用共入磁罐內鹽泥封固燒紅勿令出氣候冷

存性出火氣研末每服三錢滾開水調下神效 ○又生蘿蔔花一個剉空入生雞蛋白一個包好種土內待開花結

子後取雞蛋白研細加白蘆甘石以浮水者佳煎前等金膏製法用一錢真熊胆五分頂上牙色梅花冰片一分五

厘共為末調蜜點眼一日一次七日全愈神效 ○眼生星翳 白鹽少許燈心蘸點三五次不痛不礙屢用有效或

用荸薺槌碎取汁成粉去渣取粉點之甚效倘不見效即照風火眼痛內吹鼻散及前後治雲翳各方治之無不愈也○目中贅肉紅筋白膜雲翳諸症 消障救睛散石蟹生研細末連翹各錢半羚羊角草決明枸杞茺蔚子白蒺藜各一錢龍胆草酒炒木賊草各五分甘菊八分水二鍾煎八分食遠服此方能消翳肉及一切紅筋白膜雲翳等眼症立見功效百無一失並治厥陰風火上衝頭痛此王晉三所選秘方也體虛者勿服 又方用老麻雀糞又名瓦雀鉢中研細以甘草水泡一夜去水與渣焙乾和初生男孩乳用燈心點之即消神效男用雄雀糞失而堅立者是女用雌麻雀糞圓而倒者是 又方韭菜根洗淨用橘葉外裹男左女右塞鼻中過夜即愈屢試神效 又方麩仁二錢選白淨者去淨油青鹽一錢豬腰子一兩共搗爛用骨簪點入甚效 ○眼中忽起努肉 此症不過半日即遮白眼一日即遮黑眼用刀上鐵鏽滴涼水少許候子頭磨起鐵鏽水點患處頻點頻開 ○眼生紅子 有人白眼珠上生一紅顆頃刻頭面皆腫用真熊胆二粒米大開水調服立刻平復 ○目中流血 用四物湯加龍胆草減半煎服即愈 又一婦眼中血出如射或沿鼻流下目經不行乃陰虛相火妄動之症用當歸酒炒生地酒炒白芍黃連炒黃柏炒知母炒條芩炒木通側柏葉紫胡桃仁去皮尖紅花各一錢水煎食前服次日即愈 ○眼中如有虫行癢不可忍 羌活柏礬研砂共研細入口無渣方合用水調如米大時將一丸納入眼中少頃囊湯洗下○眼内生虫 紅棗去核用黑礬填滿棗內入炭火內煨過研為細末再用朴硝放砂鍋內熬煉滴水成珠取出候冷不必研末用礬礬末二錢朴硝五六分一併和勻開水對沖晝一夜洗之三五次即愈 ○眼邊生虫 覆盆子葉為末一錢乾薑燒灰生礬各五厘枯礬一分共研細蜜調用絨片做膏藥貼眼上一夜揭起虫自黏在絨上次晚又將肥猪肉切片貼眼上一夜即愈或照後銅綠方更妙○眼邊濕爛紅腫 名爛弦風眼用川連四五分銅刀切成米粒大先以茶盃盛新艾絨約半盃許上以薄皮紙封盃口先將其紙用針刺多孔將黃連鋪勻紙上用香火將艾燃引土用一盃蓋佳約俟艾烟燼時方揭去蓋佳之盃取黃連十餘粒滴清水二三茶匙於飯上蒸過用鴨翎掃搭患處三日除根如不見效照後銅綠方治之無不愈也 又方鮮色銅綠三錢研末以生蜜濃調塗粗碗內用艾葉燒烟將碗覆艾烟上薰之須至銅綠焦黑為度取起冷定以人乳調勻飯上蒸過搭之諸藥不效者用此如神百無一失並治痘後風眼 ○眼痛甚 龍胆草當歸各一錢為末溫酒下○小兒門睛 黑眼珠呆而不動者是

用真西牛黃五分白附子泡肉桂全蠍炒川芎石羔各一錢白芷藿香各二錢共研末蜜為丸芡實大每服一二丸薄荷湯下 ○眼邊忽然紅腫發癢名偷針眼 背上膏肓穴處第三節骨兩旁是有紅點用針挑破即愈如不用

針挑用燈心一燒即愈如不見點用大梳背頻頻刮之紅點自現出也 又方臭虫血每日點數次其效如神

眼皮翻出石羔五錢煨桃仁一兩甘草三兩稀飯煮四兩酒蒸晒乾防風二兩酒和微炒共研細末體壯者每服二錢弱者一錢小兒減半白滾水送下 ○白眼珠忽然盡黑毛髮堅如鐵能飲食而不能言其形如醉 此血潰症

也用五靈脂二錢研末酒冲服 ○眼胞生珠生菌堅凝不痛 黃丹五分鯉魚胆汁和如膏點三五次自消 又

方藥線見癰毒諸方纏之即落 又方取過江蜘蛛絲纏之即落凡蜘蛛牽絲搭過屋上者謂之過江 又方櫻桃

核磨水搽之自消 ○眼胞痠核 此症生眼胞皮裏肉外大者如棗小者如豈推之移動皮色如常硬腫不痛宜

服化堅二陳丸見癰毒諸方外用生南星和醋磨汁時時搽之沒者數日即消深者多搽數日微微用指甲擠出白

粉即愈 ○眼珠無故湧出垂下大便下血亦有不便血者 名曰肝脹羌活煎濃湯乘熱先薰後服即入或用羌

活燒烟薰之更妙 又方新井水洗眼數次即入 又方防風黃芩白芷川芎蒼朮細辛生地甘草生薑桑子葱白

水煎服仰卧片時眼珠自然收上 ○眼珠暴出 淫羊藿威靈仙各一錢水煎服 ○眼珠縮入 老姜燒熟敷眉心

即愈 ○眼珠損傷 凡眼珠打出或觸傷腫痛或火炮冲傷用南瓜瓢搗爛厚敷外用布包好勿動漸次腫消痛定

乾則再換如瞳人未破仍能視物瓜以愈老愈佳如無南瓜用野三七葉數或用生地黃浸酒搗數亦可南瓜壯人

呼為倭瓜 又方用牛口涎日點二次避風即愈忌酒並各熱物 又方如火藥冲眼欲瞎者急用熱小便頻洗即

愈或用野三七葉搗敷更妙忌酒並熱物 又方如眼珠受傷突出趕急搽進用生猪肉一片當歸赤石脂末少

許搽肉上貼之即愈 箭頭入目 寒食餠糖即寒食所做米糖無則不論何日所做米糖亦可點入待其發癢一

拔即出 ○蟾酥入目 紫草取汁點之即消 ○泥沙入目 頂粗牛膝一段約二寸長本人自行嚼爛如泥吐

出搽丸塞於兩眼角其淚流必多少刻泥沙裹盡出其目隨愈左眼以牛膝口內右嚼右眼左嚼雖腫痛欲瞎無

不立效屢試如神 ○塵芒入目 生藕汁滴入自出 ○飛絲入目 好黑麝濃用新筆蘸墨點眼角內閉目片時

其絲自然成塊用手輕抹即出雜物入目亦可治並可散醫奇效之至 又方凡諸藥不效赤腫痛 著以滾水一

杯入食鹽少許明礬三錢將舌尖浸入水中片刻其絲自落水中而愈○眼瞳成漏 凡眼下空處生瘡出膿流水不乾日久成漏諸藥不應者以柿餅去皮取肉搗爛塗之十日全愈 拳毛倒睫眼毛顛倒捲縮刺目者是 木翳子一個去殼為末綿裹鼻中左眼塞右右眼塞左一二夜即愈切不可將毛拔去拔後重出毛硬而更拳將為終身之累 又方五焙子為末蜜調敷眼皮上其睫自起 眼中常見異樣禽虫飛走 棗仁青箱子花即草決明花元明粉各一兩共研末每用二錢滾水沖服三次自愈

耳部○兩耳聾閉

活鯉魚一尾將腦髓取出飯上蒸出油滴入耳內自然竅開再用故紙一兩先用米水泡一夜

晒乾再用黃柏二錢煎水泡一夜晒乾再用食鹽二錢加水泡一夜晒乾黑芝麻一斤燒酒二觔童便一斤共煮乾取出晒極乾炒香取故紙研末不用芝麻以陳米醋為丸菴豆大每服二錢用杜仲炒去絲知母各一錢煎湯送下甚效或服七製固脂丸更妙見內外備用諸方 文方活鼠一隻破腹取胆真紅色者是也用川烏頭一個泡去皮

北細辛二錢胆礬一錢半共為末以鼠胆和勻焙乾研細入麝香一分吹入耳中口含茶水日二次十日見效雖久聾亦愈 又方甘草生地研極細末胭脂包三分日間塞耳甘遂草烏研極細末棉花包三分晚間塞耳其效 又

方北細辛末一錢將黃蜡融化為丸如鼠糞大以棉裹塞耳一二次即愈切戒惱怒 又方真麝香一二分棉包塞

入一日後耳中如雷響即通屢試神效○腎虛耳聾聲响如風水鳴如鐘磬聲 白毛烏骨雄雞一隻甜酒四斤

煮食三五隻神效 又方真川椒用巴豆萸蒲同研細以松香黃蜡為丸塞耳一日一換初起者數日即通神效

又方真磁石一莖大穿山甲燒研二分用綿包裹塞耳口含生鐵一塊耳中如風雨聲即通耳內時聞蟬蟻戰鬥之

聲時開時閉此腎水虧極兼怒氣傷肝所致用柴胡梔子白芥子各三錢熟地白芍黃肉各三兩麥冬一兩水煎服

方中純是補腎平肝之聖藥飲之數日其聲漸息服至一月全愈○耳閉不通又作痛 大田螺一個撥開蓋入麝

香五分自化成水滴入○少壯病後耳閉 南棗半斤桂圓四兩葱半斤此味後下煮服三五次自通忌鹽數日

風木之鬱耳張欲閉 連翹二錢羚羊角薄荷梗苦丁茶夏枯草生香附各一錢黑枝皮一錢半水煎服 胆火

上鬱頭重耳脹目微赤 連翹牛蒡各二錢羚羊角薄荷梗桑皮各一錢丹皮錢半水煎服○耳鳴耳聾 生烏頭

一個桑葉別如葉大葉耳日換數次過三五日便愈不然久則成聾○耳疳震耳纏耳停耳風耳 各症俱係

耳內悶腫出膿但膿色不一而名各異耳疳則出黑色臭膿震耳則出青膿經耳則出白膿停耳則出黃膿俱由胃濕與肝火相乘而成惟風耳則出紅膿偏於肝經血熱俱宜用醬茹不宜多自然油滴之俟膿浮出再用核桃仁又名胡桃研細擰油去渣每油一分兌冰片二分用少許滴耳內自愈風耳內服四物湯如丹皮石菖蒲餘症內服清肺瀉肝諸藥 又方新鮮白鯊魚腦中枕骨燒紅候冷每兩加冰片一錢共研細如灰麪細先用棉花繳淨膿吹藥二三次即愈此林屋山人經驗方也 又方用舊木盤磨水滴耳內即愈 又方大人小兒耳內生疔出毒之後膿水久久不乾或傷水濕在底停耳或膿臭穢之水時流出者用小麥粉以醋煎滾打如漿糊晚上搽於耳之前後留出耳上不搽以紙一張裂縫套耳蓋之免污枕被次早洗去晚上再搽不過三五次膿乾痊愈此法屢試屢驗 又方青魚胆和冰片滴之即愈 又方蛇蛻燒灰少許吹入極效耳內如有虫奔走或流血水或乾痛難忍用之俱效 又方桑螵蛸一個燒存性麝香一分研末摻入神效有膿先繳淨 又方胭脂枯礬鐵銹各等分為末吹之立效 又方虫蛀竹灰加麝香少許吹入極效 ○耳內膿血腫痛有虛有熱其症不一甚至痛不可忍夜難安枕 用上各方如不見效用韭菜自然汁灌入其效如神 ○耳內膿血不乾 石榴花片瓦上焙枯研末加冰片少許吹入三四次即愈其痂不必挖動聽其自然落為妙或用龍骨研末吹入亦可 ○耳內有虫膿血不止 雞蛋一個香油炒豬肝四五錢香油炒黑芝蔴炒研一升同搗融微火烘暖布裏貼耳外血虫出盡即愈 ○耳痔耳聾耳挺耳痔形如櫻桃或如羊奶耳聾形類初生藤結頭大蒂小耳挺形如棗核細條而長弩出耳外俱由肝經怒火腎經相火胃經積火凝結而成微腫悶痛色紅皮破觸之痛引頭頂用礪砂一錢輕粉雄黃各三錢冰片五厘研細末水調濃用谷草細梗咬細如毛蘸點患處並用梔子川芎熟石羔當歸牛蒡紫胡酒芍丹皮甘草各二錢黃芩黃連各五分水煎食後服自愈 ○耳內生疔 耳內生疔痛如錐刺牽引腮腦亦痛破流血水人多作耳痛治之不知乃耳疔也急服蟾酥丸見癰毒諸方取其發汗再用蟾酥丸水調濃汁滴耳內並服黃連消毒飲見同前立愈或照疔瘡各方治之亦可 ○耳內生粒如棉花子大極痛名耳疔 人指甲瓦上焙枯存性研末加牙色梅花冰片少許吹入極效 ○耳內有核痛不可忍 燒酒滴入側卧片時即可籍出如不見效即照前耳疔各方治之 ○耳內如有虫走或血水流或乾痛難忍 蛇退皮燒存性研末吹之立愈此經驗秘方也 ○耳內耳外生瘡 蚯蚓

糞為末吹入或用麻油調搽 又方黃柏五錢馬齒莧一兩為末敷之○耳外濕瘡 雖腰膏見癰毒諸方敷之其效如神 又方黃丹一錢松香八分輕粉一分枯礬一分共為細末香油調搽效 又方枯礬輕粉貝母銀硃共研勻麻油調塗甚效○耳後銳毒 患發耳後又名耳後瘡宜別陽實陰虛治無一錯患色白者以陽和丸與二陳湯同煎服或以小金丹服消色如紅者醒消丸服消諸書不拘紅白概以玄參牛蒡等藥治之即色紅者尚服不消倘色白者更遭其害矣南濠葉姓耳下並患惡核一被醫穿生管一大如盂以陽和小金輪服未潰者全消此林屋山人秘法也 又方南星燒存性為末醋調敷三次即愈不愈即用前方無不效也陽和諸方見癰毒陰疽各門○耳下生瘡 有人耳下生瘡其大如桃時出膿血數年不愈後用鉛粉搽之三日收功○耳被挖傷 金頭蜈蚣一條瓦上焙存性研末吹入立效 又方青魚胆一個紅花一錢元參生地各二錢蒸出濃汁灌入耳內即愈 又方冰片胭脂燒灰牡蠣煨粉共為末用骨脂點香油蘸藥末入耳內即愈○兩耳脫落並治鼻落 用人髮入瓦罐以鹽泥封固煨過為末急以所傷耳鼻蘸藥安放舊處再用老薑嚼融四圍厚敷用紬捆定自安○耳中有物不出 用弓弦或用麻繩將一頭搓散用好魚鰾粘着放耳內其物徐徐引出○壁虎入耳雞冠血滴入即出 蜈蚣入耳 生薑汁或韭菜汁灌入即出 又方炒肉放耳邊聞香自出烹雞更妙○螞蝗入耳取田中泥放耳邊自出○蚰蜒入耳 生半夏末麻油調塗耳門虫聞香即出 又方香油和雞冠血滴入即出 又方白糖又名白沙糖熟水調濃汁滴耳內蚰蜒化為水 又方羊乳滴入亦化為水流○蛆虫入耳 杏仁搗如泥取油滴入耳中非出則死○飛蛾入耳 用銅器向耳邊敲打自出○螞蝗入耳 用手將耳扯動即出或用穿山甲燒灰研末調水灌入即出 諸虫入耳不可驚動用手緊閉耳鼻閉口不言虫入之耳不閉少頃自出或用好醋麻油薤汁蔥汁薑汁此數種隨便而灌耳中其虫自出 又方桃葉作枕枕之虫自鼻出或火熨桃葉捲之取塞耳立出 又方如蠅蚊小虫用麻油數點滴入耳中虫即死取出即瘥 又方如在夜間暗入者切勿驚惶響叫逼虫內攻宜端坐點燈光向耳竅其虫見光自出若有人在旁其虫不出人皆避開方效

鼻部○鼻血不止 用燈火以燈心一莖點清油燒之在少商穴燒一下立止穴在兩手大指內外中縫之中不上不下即是左流燒左手右流燒右手雙流燒雙有人鼻血三日不止口內亦流百方不效勢甚危急用此立止止後